

25 OCTOMBRIE
RUGACIUNEA
SF. CUVIOASE
TAVITA DE LA IOPPE

Молитва

О блаженна еси, святая Тавифо, возросшая в винограднице Христове, он же и есть Церковь Божия. От лозы истинныя Иисуса Сладчайшаго почерпла еси божественныя токи благодати, ими же у плодоносила ся от земли к Небесным. Яко грозд винный, напитай нас и увесели подражанием тебе в добрых делах, да сподобимся неизреченных благ. Проповедаше сие Господь: «яко аще зерно пшеничное, павше в землю, не умрет – едино пребывает, аще же умрет – сотворит плод изобильный». Успение твое, Тавифо, явися плодоносно не токмо твоя добродетели ради – сия же ныне во услышание Церкви всей явися яко образ достоподрожательный многим – наипаче сие сотворися во утверждение веры Христовы, отверзающей человеком райския двери: да сочетаваются Небесная с земными. Мы же, в добродетелех оскудевши, молитв твоих ко Всещедрому просим: да спасет и помилует души

наша, миру же подаст мир и велию милость.
Днесь собори верных ликовствуют,
прославляюще величие добродетели, еже яви
Господь в житии Святей своей ученицы, кая
процвела яко финикс, приумноживши таланты
Господни. Испроси, о Тавифо, ублажающим тя
оставление прегрешений. Аминь.